

Cietdohyeh Sanhgyangh:

Ngoenzciet Minzczuz Daegsaek Baijyienj Fungcingz Dungcuz

三江多耶节: 特色民族节庆展示侗族风情

□ Yangz Mingz ingj Sinhyungz hoiz



▲ Faen mbiengj beij boq venz, mwngz rem gou engq ak.



▲ Mehmbwk angq boq venz, caemh hap rwenz sing sep.

▲ Angq yienj heiq fungsug, vunz boiqfug hemq ndei.



▲ Daengx ranz vunz caez daeuj, cetyouz caiq ciengq go.



▲ Baijyienj guh ceizndek, hawj bouxhek cimz gwn.



▲ "Gangiguenj" ciengz-mienh hung, vunz humx dinga cix haenh.

Sanhgyangh Dungcuz Swciyen daj bi 2003 banh gaiq daih'it Cungguk (Liujcouh · Sanhgyangh) Ciet Dohyeh Dungcuz gvaqdaej, moix bi ngoenzciet cungj youq gak aen ginggih banh vaiz doxdaemj doxdax, boq venz doxdax, daem ceizet, doz mae daemj baengz, gwn ngaiz bak ranz doenghgiy hozdung daegsaek Dungcuz naekgywggywg neix, lij ngoenzngoenz yienj cit heiq hung saedgingj fungcingz Dungcuz 《Naenghhwnz》neix dem, aeu vwnzva minzczuz naekgywg, hozdung hoenghhwd angqyangz yinx ciencien fanfanh boux hekyouz ndaw guk rog guk bae doxcaemh gvaq ciet, baenz aen binjbaiz lijyouz daegsaek yienhda ranghdiag Liujcouh, Gveilinz, caemhcai gonqlaeng aeundaej "Cungguk cib daih binjbaiz cietgingq", cietgingq saujsu minzczuz daegbied ciengj, Cungguk cib daih cietgingq ceiq miz daegsaek minzczuz ciengj doenghgiy cwnghauh najrongh neix.

"Dohyeh" dwg daj yaem Vahdung hoiz gvaqdaej, eiqsei dwg "riengz sing go diuq foux", dwg Dungcuz guk raeuz gij ciengq go eu fwen conzdungj ndawde cungj ndeu, aeu "angqyangz, doxndei, andingh, doxgiat" guh cawjdaez. Banh ciet gvaqdaej, aen yienh neix ciuq gij naemjap "banh ciet guh moiz, doigawj guhcawj, saed vih yinx hek, bangcoengh fazcanj" bae banh, cimhra ok aen banjdaez banh ciet "cwngfuj dap daiz, giyez yienj heiq, ciuq hawciengz bae guh" neix, doenggvaq gij fuengsik daengxaen doigawj, baij yiengh siugai, doxyaeng gaicawx, ndaem gai doxciep neix, dap siugai bingzdaiz, ra roen moq siugai, haenqrengz senhconz caeuq doigawj siugai gij vwnzva Dungcuz, mbawcaz Sanhgyangh, youzcaz dangdieg, gij veh nungzminz, yienghvunq ranzaep Dungcuz ndaw yienh, hawj ndaw yienh saedyienh le dajndaem dajciengx cauuhgah caeuq

siugai cungj hoenghvuengh, vunzlai souhaeuj ndaej demlai.

Cietdohyeh hozdung neiyungz lai cungj lai yiengh, gig miz daegsaek minzczuz, gij hozdung de aeu Dungcai hung yienhsingz guh cungsim, ietlien daengz Gvanhdung Ginggih, Cwngzyangz Ginggih, Bahdonz Ginggih, Danhcouh Ginggih, Laujbauj Sanhgyanghgouj Ginggih, Liengzgouj Yelangz Vwnzva Funghcengzyenz gij gingdenj neix. Ginggih Dungcai hung yienhsingz cujyau yienj cit heiq hung saedgingj Dungcuz 《Naenghhwnz》caeuq vaiz doxdaemj doxdax; Gvanhdung Ginggih banh cien vunz boq venz doxdax caeuq Dungcuz "Yezej" hozdung; youq Cwngzyangz Bazcai Ginggih, boq venz laengz roen coux hek, aeu naez namzgva doxbaeuh, daem ceizet, bak vunz doz mae daemj baengz biujyienj hozdung nauhyied ndeiawj; gwnz Danhcouh Ginggih, "Suh yenling" youz singz, cien vunz hopngomx aendauj buet, dwk giuzbaujlingz makbug, baksingz soengq gonjien hozdung banh ndaej hoenghhwd; hoihmiuh Hozlij, Heiqdung baijyienj gij hozdung daegsaek Dungcuz neix, youq Yelangz Funghcengzyenz hoengh banh; Giuzbahdonz Ginggih, diegdangz gangiguenj, ngaiz bak ranz Dungcuz, boq venz caijdangz gij hozdung neix yinx vunzlai humx yawj; Sizmwncungh Ginggih, cix aeu hozdung mizyinx daeuj yinx gyoengq hekyouz: Ndaw raemx gaeb bit doxdax, gwnz bya ra bauj, bin bya dangh rij.....

Ndwenngoenz bae lumj naq, daj bi 2003 daengz bi 2013, cietdohyeh gaenq banh ndaej 10 bi lo, fwnfwn rumzrumz, cin ndaem cou sou, banh ciet ndaej hawj Sanhgyangh lijyouz hwnghoengh, hawj ginghci sevei cienzmienh vaiqriengj fazcanj, muengh cietdohyeh yied banh yied hoengh, beixnuengx Dungcuz saedceij bi beij bi vuenyungz.



▲ "Ngaiz bak ranz" dakdaih, byaek feih caih hek gwn.



▲ Hek guekrog daeuj cunz, caemh daem ceiz dem angq.



▲ Vaiz doxdaemj doxdax, daiheva humx wavi lai.



▲ Mehmbwk Dungcuz din-fwngz giuj, bouxboux roxyiuj monz doz mae.